

ქ. ხობი

2021 წლის 28 იანვარი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. ედიშერი ჯობავა
2. მამუკა ქარდავა
3. დოდო გაბუნია
4. დავით ბერაია
5. თეა გელანტია
6. ტარიელ ალექსანდრია
7. მერაბ ფილიპია
8. ბექა მამაცაშვილი
9. თემურ გულუა
10. კახა ლატარია
11. თენგიზ აბაკელია

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

**დღის წესრიგი:**

1. ხობის მუნიციპალიტეტის მერის გოჩა ქაჯაიას 2021 წლის 11 იანვრის N50-502101117 წერილის განხილვა („ხოზის მუნიციპალიტეტის 2021 წლის ადგილობრივი ბიუჯეტით გათვალისწინებული საბიუჯეტო ასიგნებების კვარტალური განწერის დასამტკიცებლად ხობის მუნიციპალიტეტის მერისთვის თანხმობის მიცემის თაობაზე“ განკარგულების პროექტის თაობაზე);

(მომხსენებელი: ტარიელ ალექსანდრია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე);

2. ხობის მუნიციპალიტეტის მერის გოჩა ქაჯაიას 2021 წლის 26 იანვრის N50-502102644 წერილის განხილვა („საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან ხობის მუნიციპალიტეტში 2021 წელს დასაფინანსებელი პროექტების მოწონების შესახებ“ განკარგულების პროექტის თაობაზე);

(მომხსენებელი: ვლადიმერ ქანთარია - ხობის მუნიციპალიტეტის საკრებულოს  
ქონების მართვისა და ინფრასტრუქტურის კომისიის თავმჯდომარე);

3. ხობის მუნიციპალიტეტის მერის გოჩა ქაჯაიას 2021 წლის 27 იანვრის N50-50210271 წერილის განხილვა („ხობის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის N17 დადგენილებაში ცვლილების შეტანის თაობაზე“ დადგენილების პროექტების შესახებ);

(მომხსენებელი: ტარიელ ალექსანდრია - ხობის მუნიციპალიტეტის საკრებულოს  
საფინანსო - საბიუჯეტო კომისიის თავმჯდომარე);

4. ხობის მუნიციპალიტეტის მერის გოჩა ქაჯაიას 2021 წლის 27 იანვრის N50-502102794 წერილის განხილვა („საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ “ განკარგულების პროექტის თაობაზე)

(მომხსენებელი: დავით ბერაია - ხობის მუნიციპალიტეტის საკრებულოს  
იურიდიულ საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

სხდომის თავმჯდომარემ განაცხადა, რომ საკრებულოს ქონების მართვისა და ინფრასტრუქტურის კომისიის თავმჯდომარე იმყოფებოდა კუთვნილ შვებულებაზე და დღის წესრიგით წარმოდგენილ მე-2 საკითხს წარმოადგენდა საკრებულოს იურიდიულ საკითხთა კომისიის თავმჯდომარე (დ. ბერაია)

### დღის წესრიგით გათვალისწინებული საკითხების განხილვა

1. ხობის მუნიციპალიტეტის მერის გოჩა ქაჯაიას 2021 წლის 11 იანვრის N50-502101117 წერილის განხილვა („ხობის მუნიციპალიტეტის 2021 წლის ადგილობრივი ბიუჯეტით გათვალისწინებული საბიუჯეტო ასიგნებების კვარტალური განწერის დასამტკიცებლად ხობის მუნიციპალიტეტის მერისთვის თანხმობის მიცემის თაობაზე“ განკარგულების პროექტის თაობაზე)

(მომხსენებელი: ტარიელ ალექსანდრია - ხობის მუნიციპალიტეტის საკრებულოს  
საფინანსო - საბიუჯეტო კომისიის თავმჯდომარე)



მოისმინეს: ტ. ალექსანდრია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის 2021 წლის ადგილობრივი ბიუჯეტით გათვალისწინებული საბიუჯეტო ასიგნებების კვარტალური განწერის დასამტკიცებლად ხობის მუნიციპალიტეტის მერისთვის თანხმობის მიცემის თაობაზე“ და კომისიის დასკვნა განსახილველ საკითხთან დაკავშირებით (ოქმს თან ერთვის) და აღნიშნა, რომ საქართველოს კანონის „საქართველოს საბიუჯეტო კოდექსი“ შესაბამისად მერიის საფინანსო-საბიუჯეტო სამსახურის მიერ ხობის მუნიციპალიტეტის 2021 წლის ადგილობრივი ბიუჯეტის შესაბამისად მომზადდა ადგილობრივი ბიუჯეტის კვარტალური განწერა, რაც გულისხმობს ბიუჯეტის შემოსულობების, გადასახდელებისა და ნაშთის ცვლილების ყოველკვარტალურად განაწილებას საბიუჯეტო კლასიფიკაციის (გარდა ხარჯებისა და არაფინანსურ აქტივებზე ოპერაციების ფუნქციონალური კლასიფიკაციისა) მიხედვით. გამომსვლელის განცხადებით, მერიის მიერ წარმოდგენილი პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის გოჩა ქაჯაიას 2021 წლის 26 იანვრის N50-502102644 წერილის განხილვა („საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან ხობის მუნიციპალიტეტში 2021 წელს დასაფინანსებელი პროექტების მოწონების შესახებ“ განკარგულების პროექტის თაობაზე)

(მომხსენებელი: ვლადიმერ ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

**მოისმინეს:** დ. ბერაია - საკრებულოს იურიდიულ საკითხთა კომისიის თავმჯდომარე - მომხსენებელმა ბიუროს წევრებს გააცნო განკარგულების პროექტი „საქართველოს სახელმწიფო ბიუჯეტით გათვალისწინებული რეგიონებში განსახორციელებელი პროექტების ფონდიდან ხობის მუნიციპალიტეტში 2021 წელს დასაფინანსებელი პროექტების მოწონების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ საქართველოს ორგანული კანონის „ადგილობრივი თვითმმართველობის კოდექსი“ და „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურებისა და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის N23 დადგენილების შესაბამისად, ხობის მუნიციპალიტეტის მერიის მიერ მომზადდა წინადადებები მუნიციპალიტეტის ტერიტორიაზე 2021 წლისთვის განსახორციელებელ სამუშაოებთან დაკავშირებით, რაც საქართველოს სახელმწიფო ბიუჯეტიდან შესაბამისი ფინანსური უზრუნველყოფისათვის უნდა წარედგინოს საქართველოს რეგიონული განვითარებისა და ინფრასტრუქტურის სამინისტროს. საქართველოს მთავრობის ზემო აღნიშნული დადგენილების შესაბამისად, ამ დადგენილებით განსაზღვრული პროექტების ინიცირება იწყება წინადადების მოწონების თაობაზე საკრებულოს გადაწყვეტილებით, რისთვისაც ამ ეტაპზე მომზადდა ხობის მუნიციპალიტეტის საკრებულოს განკარგულების პროექტი „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2021 წელს დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების შესახებ“. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

მომხრე - 11, წინააღმდეგი – არც ერთი



დადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის მერის გოჩა ქაჯაიას 2021 წლის 27 იანვრის N50-50210271 წერილის განხილვა („ხობის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის N17 დადგენილებაში ცვლილების შეტანის თაობაზე“ დადგენილების პროექტების შესახებ)

(მომხსენებელი: ტარიელ ალექსანდრია - ხობის მუნიციპალიტეტის საკრებულოს  
საფინანსო - საბიუჯეტო კომისიის თავმჯდომარე)

მოისმინეს: ტ. ალექსანდრია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის N17 დადგენილებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის 2021 წლის ადგილობრივ ბიუჯეტში იზრდება შემოსავლები 3007,6 ათასი ლარით „გრანტებიდან“ (საქართველოს რეგიონებში განსახორციელებელი პროექტების ფონდიდან) და მიემართება პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაციის“ მუხლის „არაფინანსური აქტივების ზრდის“ ასიგნებაზე. 3093,9 ათასი ლარის ასახვა ხდება არსებული ნაშთიდან და მიემართება შემდეგი ღონისძიებების დასაფინანსებლად: პრიორიტეტის „წარმომადგენლობითი და ადმინისტრაციული ორგანოების დაფინანსებაზე“ მიემართება 105,0 ათასი ლარი; 2908,3 ათასი ლარი - პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაციის“ ასიგნებაზე, აქედან, „გზების მშენებლობა, რეაბილიტაცია და მოვლა-შენახვა“ - 1738,5 ათასი ლარი, „ხიდების, ხიდ-ბოგირების რეაბილიტაცია და შენახვა“ - 87,9 ათასი ლარი, „გარე განათება“ - 105,0 ათასი ლარი, „წყლის სისტემების რეაბილიტაცია“ - 132,0 ათასი ლარი, „მუნიციპალიტეტის ტერიტორიაზე არსებული აქტივების რეაბილიტაცია“ - 629,0 ათასი ლარი, „სანიაღვრე არხების მშენებლობა, რეაბილიტაცია და ექსპლოატაცია“ - 60,0 ათასი ლარი, „მუნიციპალიტეტის წყალმომარაგების მართვა და ექსპლოატაცია“ - 15,0 ათასი ლარი; 2,0 ათასი ლარი მიემართება პრიორიტეტის „დასუფთავება და გარემოს დაცვა“ ასიგნებებზე; პრიორიტეტი „განათლება“ ასიგნებებზე - 45,1 ათასი ლარი; პრიორიტეტი „კულტურა, რელიგია, ახალგაზრდული და სპორტული ღონისძიებები“ ასიგნებებზე - 11,8 ათასი ლარი; 21,7 ათასი ლარი მიემართება პრიორიტეტის „მოსახლეობის ჯანმრთელობის დაცვა და სოციალური უზრუნველყოფა“ ასიგნებებზე. „ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის



მუნიციპალიტეტის საკრებულოს 2017 წლის 26 დეკემბრის N68 დადგენილების შესაბამისად, ხობის მუნიციპალიტეტის 2021 წლის დამტკიცებულ ბიუჯეტში ხობის მუნიციპალიტეტის მერის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის შემოსულობების გეგმა გაიზარდა 3007,6 ათასი ლარით და შეადგინა 13076.6 ათასი ლარი. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით, სერიოზული ხასიათის შენიშვნები არ გაგვაჩნია და კომისიას მიზანშეწონილად მიაჩნია პროექტის წარმოდგენილის სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 11, წინააღმდეგი – არც ერთი**

**დაადგინეს:** წარმოდგენილი პროექტი შეტანილ იქნეს საკრებულოს სხდომის დღის წესრიგში

4. ხობის მუნიციპალიტეტის მერის გოჩა ქაჯაიას 2021 წლის 27 იანვრის N50-502102794 წერილის განხილვა („საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ განკარგულების პროექტის თაობაზე)

(მომხსენებელი: დავით ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე)

**მოისმინეს:** დ. ბერაია - მომხსენებელმა ბიუროს წევრებს გააცნო განკარგულების პროექტი „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, საქართველოს კანონმდებლობაში განხორციელებული ცვლილებების შესაბამისად, საქართველოს კანონის „ბავშვის უფლებათა კოდექსი“ საფუძველზე ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური



დაცვის სამსახურში 2020 წელს შეიქმნა ბავშვის უფლებების დაცვისა და მხარდაჭერის განყოფილება, ხოლო „სოციალური მუშაობის შესახებ“ საქართველოს კანონის საფუძველზე ამავე სამსახურს 2021 წლიდან ასევე დაემატა სამტატო ერთეული - სოციალური მუშაკი. ადგილობრივი თვითმმართველობისთვის დელეგირებული ფუნქციების განხორციელების პროცესში საჭირო ხდება შესაბამისი შემთხვევის ადგილებზე სამსახურის მოსამსახურეთა გასვლა, რაც საჭიროებს დამატებით ხარჯებს საწვავის სახით. საწვავით უზრუნველყოფას ასევე საჭიროებს საფინანსო-საბიუჯეტო სამსახური მერიის სხვა სამსახურების მსგავსად, რის გამოც მიზანშეწონილად ჩაითვალა შესაბამისი სამსახურებისთვის საწვავის ლიმიტების დაწესება/გაზრდა. მერიის სამსახურებისა და მოსამსახურეთათვის განსაზღვრული ლიმიტებისთვის ასევე საჭირო ხდება ინტერნეტით სარგებლობისთვის განსაზღვრული ლიმიტის დამატება საინფორმაციო ტექნოლოგიებით მომსახურების საკითხებში დასაქმებული მოსამსახურისთვის (IT სპეციალისტისთვის), რასაც საჭიროებს კომპიუტერებში კომპიუტერული პროგრამების ჩაწერისა და განახლებების პროცესში, ამჟამად არსებულ ქსელს გარეთ, თავისუფალი პორტის (ქსელში არსებული შეზღუდვების გარეშე, თავისუფალი ინტერნეტის) სახით. გარდა აღნიშნულისა, არსებული ეპიდემიოლოგიური მდგომარეობის გათვალისწინებით, თვითიზოლაციაში მყოფი მოხელეების დისტანციურ რეჟიმში სრულყოფილი მუშაობისთვის უკანასკნელ თვეებში საჭირო შეიქმნა მათი ინტერნეტით უზრუნველყოფა, რაც ცალკეულ შემთხვევებში დაწესებული ლიმიტების დროებითი გაზრდის აუცილებლობას იწვევს. ზემოთ აღწერილი გარემოებების გათვალისწინებით, ხობის მუნიციპალიტეტის მერიის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს განკარგულების პროექტი „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“, რომლითაც: 1. 100 ლიტრით იზრდება ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის სამსახურისთვის განსაზღვრული საწვავის (ბენზინის) ლიმიტი; 2. 50 ლიტრი საწვავის (ბენზინის) ლიმიტი უწესდება ხობის მუნიციპალიტეტის მერიის საფინანსო-საბიუჯეტო სამსახურს; 3. 20 ლარის ლიმიტი უწესდება ინტერნეტისთვის ხობის მუნიციპალიტეტის მერიის ადმინისტრაციულ სამსახურში საინფორმაციო ტექნოლოგიებით უზრუნველყოფის საკითხებში შრომითი ხელშეკრულებით დასაქმებულ პირს; 4. თვითიზოლაციაში ან კარანტინში მყოფ მოსამსახურეთა დისტანციურ რეჟიმში მუშაობისას ინტერნეტით უზრუნველყოფისთვის წესდება 10 ლარის დამატებითი ლიმიტი, რაც შესაბამისი შემთხვევებისას, შესაბამისი ვადით, შესაბამის მოსამსახურეს

დაემატება აუცილებელი საჭიროების გათვალისწინებით, მერის გადაწყვეტილებით. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



ედემური ჯობავა